

ქ. საჩხერე

16 მარტი 2017 წელი

ერთის მხრივ, ა.ა.ი.პ. „საჩხერის გაერთიანებული საბავშვო ბაღი“ (შემდგომში შემსყიდველი), მისი უფლებამოსილი წარმომადგენლის, დირექტორის მარიამ გოგობერიშვილის სახით და მეორეს მხრივ, ინდივიდუალური მეწარმე დავით მაკასარაშვილის (შემდგომში „მიმწოდებელი“) სახით, საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე ვდებთ წინამდებარე ხელშეკრულებას შემდეგზე:

1. ხელშეკრულების საგანი

1.1 ხელშეკრულების საგანია ა.ა.ი.პ. „საჩხერის გაერთიანებული საბავშვო ბაღის“ სახსრებით, შემსყიდველის მიერ მიმწოდებლისაგან საქონლის ხორცის - CPV კოდით 15111100, ქათმის ხორცის - CPV კოდით 15112130 - (შემდგომში „საქონელი“) შესყიდვა გამარტივებული ელექტრონული ტენდერის N **SPA170003380** საშუალებით, წინამდებარე ხელშეკრულებით გათვალისწინებული პირობების შესაბამისად.

2. „საქონელი“

2.1 „საქონლის“ მახასიათებლები მოცემულია ხელშეკრულების დანართში №1, რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

3.1 „საქონლის“ ღირებულება (საქართველოს კანონმდებლობით დადგენილი ყველა გადასახადის, ტრანსპორტირების და სხვა ხარჯების გათვალისწინებით) შეადგენს 80532,98 (ოთხმოცათასხუთასოცდათორმეტი ლარი და 98 თეთრი) ლარს.

4. „საქონლის“ ხარისხი და გარანტია

4.1 „საქონლის“ ხარისხი უნდა შეესაბამებოდეს სატენდერო დოკუმენტაციით გათვალისწინებულ მოთხოვნებს.

5. „საქონლის“ მიწოდების ვადა, ადგილი და მიწოდების პირობები

5.1 „საქონლის“ მიწოდების ვადა განისაზღვრება ხელშეკრულების გაფორმებიდან 2017 წლის 31 დეკემბრის ჩათვლით.

5.2 „საქონლის“ მიწოდება უნდა განხორციელდეს ეტაპობრივად შემსყიდველის წერილობითი ან ზეპირი მოთხოვნის შესაბამისად, სამუშაო დღეების სამუშაო საათებში; მისაწოდებელი საქონლის დასახელება, რაოდენობა და მიწოდების თარიღი განისაზღვრება შემსყიდველისაგან წინასწარ მიღებული შეკვეთის საფუძველზე (შეკვეთა განხორციელდება ელექტრონული ფოსტის საშუალებით ან მიმწოდებელს ჩაბარდება ხელზე) მიწოდების ადგილია ა.ა.ი.პ. „საჩხერის გაერთიანებული საბავშვო ბაღის“ განყოფილებები (დანართი №2);

5.3 „საქონლის“ მიწოდების პარალელურად, მიმწოდებელი ვალდებულია უზრუნველყოს თანმხლები დოკუმენტაციის წარდგენა შემსყიდველისათვის (საგადასახადო ანგარიშ-ფაქტურა, სასაქონლო ზედნადები, მიღება-ჩაბარების აქტი);

6. „საქონლის“ მიღება-ჩაბარების წესი

6.1 „საქონელი“ ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.

6.2 „საქონლის“ მიღებას ახორციელებს შემსყიდველისა და მიმწოდებლის მიერ საამისოდ უფლებამოსილი წარმომადგენლები, რომლებიც „საქონლის“ მიღების შედეგების მიხედვით აფორმებენ მიღება-ჩაბარების აქტს.

6.3 მიღება-ჩაბარება მოხდება ა.ა.ი.პ. „საჩხერის გაერთიანებული საბავშვო ბაღის“ განყოფილებებში ადგილზე (დანართი №2).

7. ანგარიშსწორების ფორმა და წესი

7.1 ანგარიშსწორება მიმწოდებელთან განხორციელდება უნაღდო ანგარიშსწორებით, მიმწოდებლის ანგარიშზე თანხის გადარიცხვის გზით.

7.2 ანგარიშსწორებას შემსყიდველი განხორციელებს ფაქტობრივად მიღებული „საქონლის“ რაოდენობის გათვალისწინებით შესაბამისი სასაქონლო ზედნადების (ან საგადასახადო ანგარიშ-ფაქტურა) და მიღება-ჩაბარების აქტის წარმოდგენიდან არაუგვიანეს 10 (ათი) სამუშაო დღის განმავლობაში.

შემსყიდველი



მიმწოდებელი

[Handwritten signature]

8. მხარეთა უფლება-მოვალეობანი

8.1 შემსყიდველი ვალდებულია:

8.1.1 უზრუნველყოს მისთვის გადაცემული „საქონლის“ შესაბამისი ანაზღაურების გადახდა მიმწოდებლისათვის წინამდებარე ხელშეკრულების პირობათა სრული დაცვით;

8.1.2 „საქონლის“ მიწოდებისთანავე, გააფორმოს მიღება-ჩაბარების აქტი.

8.2 შემსყიდველი უფლებამოსილია:

8.2.1 მიმწოდებლისაგან მოითხოვოს უფლებრივად და ნივთობრივად უნაკლო „საქონლის“ ხელშეკრულებით დადგენილი ოდენობითა და ვადაში მიღება;

8.2.2 მიმწოდებლის მიერ ხელშეკრულებით გათვალისწინებულ პირობათა შეუსრულებლობის შემთხვევაში შეწყვიტოს ხელშეკრულება, ხელშეკრულებით განსაზღვრული პროცედურების დაცვით;

8.2.3 თვით ან მოწვეული ექსპერტების მეშვეობით განახორციელოს მიმწოდებლის მიერ გადაცემული „საქონლის“ ხარისხის შემოწმება;

8.2.4 მიმწოდებლისაგან მოითხოვოს „საქონლის“ გადაცემის შესახებ დადგენილი ფორმით მიღება-ჩაბარების აქტის გაფორმება.

8.3 მიმწოდებელი ვალდებულია:

8.3.1 ხელშეკრულებით დადგენილ ვადაში, ხელშეკრულებით დადგენილი ოდენობით, ღირებულებითა და მოთხოვნის შესაბამისად მიაწოდოს უფლებრივად და ნივთობრივად უნაკლო „საქონელი“.

8.3.2 დაუყოვნებლივ აცნობოს შემსყიდველს ხელშეკრულებით გათვალისწინებული ვალდებულებების შესრულების შეუძლებლობისა ან/ და ხელისშემშლელ დაბრკოლებათა შესახებ;

8.4 მიმწოდებელი უფლებამოსილია:

8.4.1 შემსყიდველისაგან მოითხოვოს ამ ხელშეკრულებით გათვალისწინებული ვალდებულებების სრულად და დროულად შესრულება.

9. უფლებების გადაცემა

9.1 მიმწოდებელს არ აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ხელშეკრულებით გათვალისწინებული უფლება-მოვალეობანი.

10. ხელშეკრულების პირობების გადასინჯვის შესაძლებლობა

10.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11. ხელშეკრულებაში ცვლილებების შეტანა

11.1 ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. შეტყობინება

12.1 ნებისმიერი შეტყობინება, მხარის მიერ ხელშეკრულების შესაბამისად, გაეგზავნება მეორე მხარეს წერილობითი სახით, ხელშეკრულებაში მითითებულ მეორე მხარის მისამართზე.

12.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13. ხელშეკრულების შესრულების შეფერხება

13.1 ხელშეკრულების შესრულების პროცესში მხარეთა წინაშე წარმოშობილი დაბრკოლების გამო ნაკისრი ვალდებულებების ვერ ან არაჯეროვნად შესრულების საფრთხის შესახებ, მხარე ვალდებულია წერილობით აცნობოს მეორე მხარეს შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. ხოლო შეტყობინების მიმღები მხარე ასევე დაუყოვნებლივ აცნობებს თავის გადაწყვეტილებას აღნიშნულ გარემოებებთან დაკავშირებით.

13.2 იმ შემთხვევაში, თუკი ხელშეკრულების პირობების შეფერხების გამო მხარეები შეთანხმდებიან ხელშეკრულების მოქმედების ვადის გაგრძელებაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

შემსყიდველი



მიმწოდებელი

14. ხელშეკრულების პირობების შეუსრულებლობა

14.1 ფორს-მაჟორული პირობების გარდა, ხელშეკრულებით ნაკისრი ვალდებულებების, მათ შორის „ტექნიკური დავალებით“ გათვალისწინებული პირობების შეუსრულებლობის შემთხვევაში მიმწოდებელს დაეკისრება პირგასამტეხლოს გადახდა, ხელშეკრულებით ნაკისრი ვალდებულებების შეუსრულებლობის ყოველ ვადაგადაცილებულ დღეზე შესასრულებელი ვალდებულების შესაბამისი ღირებულების 0,02 %-ის ოდენობით.

14.2 იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.

14.3 მიმწოდებლის მიერ ხელშეკრულების თვითნებურად შეწყვეტის შემთხვევაში, დაეკისრება ჯარიმა ხელშეკრულების ღირებულების 3%-ის ოდენობით.

14.4 ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში შემსყიდველი იტოვებს უფლებას ფაქტიურად მიწოდებული საქონლის ასანაზღაურებელი თანხიდან საჯარიმო სანქციების თანხა პირდაპირ გადარიცხოს არასაგადასახადო ანგარიშსწორების ანგარიშზე სახელმწიფო ხაზინაში.

14.5 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისგან.

15. ხელშეკრულების მოქმედების შეწყვეტა

15.1 ერთ-ერთი მხარის მიერ ნაკისრ ვალდებულებათა შეუსრულებლობის გამო მეორე მხარე, უფლებამოსილია ცალმხრივად შეწყვიტოს ხელშეკრულების სრული ან ცალკეული პირობების მოქმედება.

16. ფორს-მაჟორი

16.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.

16.2 თუ სახელშეკრულებლო ვალდებულებების მთლიანი ან ნაწილობრივი შეუსრულებლობის პირობები გაგრძელდება სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

16.3 მხარე, რომელსაც შეექმნა ფორს-მაჟორული გარემოება დაუყონებლივ აცნობებს ამის შესახებ მეორე მხარეს.

17. დავების გადაწყვეტის წესი

17.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

17.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

18. დასკვნითი დებულებანი

18.1 მხარეები ვალდებული არიან დაიცვან ერთობლივი საქმიანობის შედეგად მათთვის ცნობილი მეორე მხარის კონფიდენციალური ინფორმაცია.

18.2 ხელშეკრულების დამდებ მხარეებს არა აქვთ უფლება გააკეთონ განცხადება, მეორე მხარის მიერ ხელშეკრულების ვერ ან არ შესრულებული, მისი შესრულებისას აღმოჩენილი დარღვევების შესახებ და ა.შ, თუ წინასწარ არ მოხდება შესაბამისი საკითხის ერთობლივი შესწავლა და შესაბამისი ფაქტების დადასტურება.

18.3 ხელშეკრულების დებულებებში ცვლილებების ან დამატებების შეტანა შესაძლებელია მხოლოდ მხარეთა შორის შეთანხმების წერილობითი გაფორმების შედეგად.

18.4 ხელშეკრულება ძალაში შედის მისი ხელისმოწერის მომენტიდან და მოქმედებს 2018 წლის 31 იანვრის ჩათვლით.

18.5 წინამდებარე ხელშეკრულება შედგენილია 2 (ორი) თანაბარუფლებიანი ძალის მქონე ეგზემპლიარად, ერთი (ერთი) ეგზემპლიარი ინახება შემსყიდველში, ხოლო 1 (ერთი) ეგზემპლიარი გადაეცემა მიმწოდებელს.

შემსყიდველი



მიმწოდებელი

19. მხარეთა მისამართები, საბანკო რეკვიზიტები და ხელმოწერები

შემსყიდველი:

ა.(ა).ი.პ. „საჩხერის გაერთიანებული საბავშვო ბაღი“
საიდენტიფიკაციო კოდი: 239396346
მის: ქ. საჩხერე, თავისუფლების ქ.№3
სახელმწიფო ხაზინა
ერთიანი ანგარიში
ტელეფონი: 995 99 11 57 51

მიმწოდებელი:

ინდ.მეწარმე დავით მაკასარაშვილი
საიდენტიფიკაციო ნომერი: 38001008677
მისამართი: საჩხერე, სოფ. ჩიხა
საბანკო რეკვიზიტები:
„საქართველოს ბანკი“
ბანკის კოდი: BAGAGE22
ანგარიშის ნომერი: GE89BG0000000159761700
ელ-ფოსტა: davitmakasarashvili82@gmail.com

ა.(ა).ი.პ. „საჩხერის გაერთიანებული საბავშვო ბაღის“
დირექტორი:
მ. გოგობერიშვილი



ინდივიდუალური მეწარმე

დავით მაკასარაშვილი

№	საქონლის დასახელება	„საქონლის“ მახასიათებლები ტექნიკური და ხარისხობრივი აღწერა	წარმოშობის ქვეყანა/მწარმოებელი კომპანია	განზომილება	რაოდენობა (კგ)	ერთეულის ფასი	საერთო ღირებულება
1	2	3	4	6	7	8	9
1	ხორცი საქონლის	საქონლის ახალი ხორცი, უძვლო, გაუყინავი, I კატეგორიის, ვარდისფერი, არასასიამოვნო სუნის გარეშე, ხორცი იქნება ახალდაკლული ან/და მომწიფებული. გაყინული და შემდეგ გამღვალი ხორცის მიწოდება დაუშვებელია, მიკრობიოლოგიური, ფიზიკო-ქიმიური და სანიტარული ჰიგიენური მაჩვენებლები შეესაბამება სურსათის უვნებლობისა და უსაფრთხოების მოთხოვნებს. ყველა განყოფილებაში საქონლის ხორცის ყოველ მიწოდებაზე წარმოდგენილი იქნება საქართველოს კანონმდებლობით განსაზღვრული შესაბამისი ეტიკეტი და ვეტერინარული მოწმობა (ფორმა №2)	საქართველო/ინდ. მეწარმე ტარიელ ნადირაძე ს/კ 38001004178	კგ	4964.61	12.95	64291.7
2	ხორცი ქათმის	ქათმის ახალი ხორცი, გაუყინავი, გამოშინებული, გასუფთავებული, არასასიამოვნო სუნის გარეშე, ქათამი იქნება ახალდაკლული, მოყვითალო ფერის. გაყინული და შემდეგ გამღვალი ქათმის ხორცის მიწოდება დაუშვებელია. მიკრობიოლოგიური, ფიზიკო-ქიმიური და სანიტარული ჰიგიენური მაჩვენებლები შეესაბამება სურსათის უვნებლობისა და უსაფრთხოების მოთხოვნებს	საქართველო/შპს გორი ს/კ 417882982	კგ	2879.66	5.64	16241.3
სულ ჯამი:							80532.98

შენიშვნა 1 : „საქონლის“ რაოდენობა

შესყიდვის მოცემული რაოდენობა არის ზღვრული, რომელიც შეიძლება შემცირდეს ფაქტიურად ა. (ა). ი. პ. „საჩხერის გაერთიანებული საბავშვო ბაღის“ განყოფილებებში ბავშვთა გამოცხადების საფუძველზე

შენიშვნა 2 : „საქონლის“ ეტიკეტი :

მოწოდებული საქონლის ყველა პარტიას უნდა ჰქონდეს ეტიკეტი ქართულ ენაზე და მათ შორის საქონლის ხორცს შემდეგი ფორმის მიხედვით:

საქონლის ხორცი ძვლებისაგან გამოცლილი

ბიზნესოპერატორის დასახელება:

ბიზნესოპერატორის საიდენტიფიკაციო კოდი:

ბიზნესოპერატორის ფაქტიური მისამართი:

ბიზნესოპერატორის აღიარების ნომერი:

ფორმა-2-ს ნომერი და გაცემის თარიღი:

სასაკლაოს დასახელება:

დარბილების თარიღი:

დარბილების დრო (საათი):

ტან-ხორცის რაოდენობა:

წონა:

შენახვის პირობები (ტემპერატურა):

შენიშვნა 3 : „საქონლის“ ტრანსპორტირება

„საქონლის“ ტრანსპორტირებისას მიმწოდებლის მიერ დაცული უნდა იქნას საქართველოს კანონმდებლობით მოთხოვნილი სანიტარული წესები და ნორმები, ტრანსპორტირება განხორციელდეს მაცივარ -მანქანით (ე.წ. რეფრიჟერატორი) ან ნიშანდებული ტარის (თერმოკონტეინერი) საშუალებით.

ა. (ა). ი. პ. „საჩხერის გაერთიანებული საბავშვო ბაღის“ დირექტორი:

ინდ. მეწარმე :



მ. გოგობერიშვილი

დ. მაკასარაშვილი

ა.(ა).ი.პ „საჩხერის გაერთიანებული საბავშვო ბაღის“ განყოფილებების მისამართები

№	დასახელება	მისამართი
1	საჩხერის №1 განყოფილება	ქ. საჩხერე, გორგასლის ქ. №6
2	საჩხერის №2 განყოფილება	ქ. საჩხერე, დურმიშიძის ქ. №54
3	საჩხერის №3 განყოფილება	ქ. საჩხერე, რაჭის ქ. №69
4	აკ. წერეთლის განყოფილება	ქ. საჩხერე, თამარ მეფის ქ. №1
5	სოფ. სხვიტორის განყოფილება	სოფელი სხვიტორი, ქალაქის ცენტრიდან 3 კილომეტრში
6	სოფ. სარეკის განყოფილება	სოფელი სარეკი, ქალაქის ცენტრიდან 3 კილომეტრში
7	სოფ. საირხის განყოფილება	სოფელი საირხე, ქალაქის ცენტრიდან 3 კილომეტრში
8	სოფ. სავანის განყოფილება	სოფელი სავანე, ქალაქის ცენტრიდან 6 კილომეტრში
9	სოფ. მერჯევის განყოფილება	სოფელი მერჯევი, ქალაქის ცენტრიდან 5 კილომეტრში
10	სოფ. ჩიხის განყოფილება	სოფელი ჩიხა, ქალაქის ცენტრიდან 5 კილომეტრში
11	სოფ. არგვეთის განყოფილება	სოფელი არგვეთი, ქალაქის ცენტრიდან 10 კილომეტრში
12	სოფ. ჭალის განყოფილება	სოფელი ჭალა, ქალაქის ცენტრიდან 11 კილომეტრში
13	სოფ. ორღულის განყოფილება	სოფელი ორღული, ქალაქის ცენტრიდან 8 კილომეტრში
14	სოფ. პერევის განყოფილება	სოფელი პერევი, ქალაქის ცენტრიდან 23 კილომეტრში, მაღალმთიანი.
15	სოფ. გორისის განყოფილება	სოფელი გორისა, ქალაქის ცენტრიდან 10 კილომეტრში
16	სოფ. ჭალოვანის განყოფილება	სოფელი ჭალოვანი, ქალაქის ცენტრიდან 30 კილომეტრში, მაღალმთიანი.
17	სოფ. ჭორვილის განყოფილება	სოფელი ჭორვილა, ქალაქის ცენტრიდან 5 კილომეტრში
18	სოფ. ჯალაურთის განყოფილება	სოფელი ჯალაურთა, ქალაქის ცენტრიდან 10 კილომეტრში, მაღალმთიანი.
19	სოფ. კორბოულის განყოფილება	სოფელი კორბოული, ქალაქის ცენტრიდან 17 კილომეტრში, მაღალმთიანი.
20	სოფ. ქორეთის განყოფილება	სოფელი ქორეთი, ქალაქის ცენტრიდან 6 კილომეტრში

ა.(ა).ი.პ. „საჩხერის გაერთიანებული საბავშვო ბაღის“
დირექტორი:



მ. გოგობერიშვილი

ინდ.მეწარმე

დ. მაკასარაშვილი